

ըրէ Կրօնական համընդհանուրութեան թշնամի՝ որը համարում էր անտարբերութեան հաւասար, Կ. Պ. ստիպուած էր տեսնել դաւանանքի ազատութեանց հաւանութիւն նուիրապետութեան ներկայացուցիչներին կողմից: Պետական կրօնի տեսութեան երկրպագու և պետութեան ու եկեղեցու հակառակութիւնից վախեցող՝ նա ապրեց մինչև այդ հակառակութեանց սկիզբը: Կատաղի հակառակորդ տպագրութեան և խօսքի ազատութեան՝ ականատես եղաւ գրաքննութեան ոչնչացմանը, պաշտպան եկեղեցական դպրոցներին՝ նա ինքը նկատեց ընդհանուր ժողովրդական կրթութեան ծրագրի մերձենալը:

Վերջապէս նրան բաժին ընկաւ լուռ վկայ լինել եկեղեցական կեանքի վերափոխութեան, որ կարծում էր թէ սուրբ է և հաճադատ ժողովրդի հոգուն իւր ամէն մի հնչիւնով, ամէն մի բառով և գոյութեան ամէն մի աննշան գծով:

Ս. Յարութիւնեան.

ԿԱԹՈՒԼԻԿ ԵԿԵՂԵՑԻ

Կաթոլիկական համալսարան Տոկիոյում. Միկազոն թոյլ է տուել Տոկիոյում կաթոլիկական մի համալսարան հիմնել: Եզուիականների հակողութեան տակ, ակադեմիական առանձին արտօնութիւններով: Համալսարանի ուսուցչապետները Անգլիացի, Իրլանդացի և Ամերիկացի եզուիտներ են: Բացի համալսարանից Միկազոն թոյլ է տուել իւր մայրաքաղաքում նաև կաթոլիկական եկեղեցի շինել:

Կաթոլիկ եկեղեցիներ երեք տարի առաջ տօնեց արևմտեան մեծ եպիսկոպոսին՝ Գրիգոր Ա. Պապի 1300-ամեայ յօբելեանը, այժմ էլ պատրաստուում է տօնել արևելեան եկեղեցու մեծ լուսաւորչի ս. Յովհան Ոսկեբերանի (մեռած 400-ի սեպ. 14-ին):

Տօնախմբութիւնը կկատարուի նոյեմբերի 13-ին: Այդ օրը հանդիսաւոր պատարագ կմատուցուի ս. Պօղոս Պետրոսի տաճարի ս. Պետրոսի սեղանի վերայ ի պատիւ սրբին: Կարծում են, որ Պիոս Ժ-րդ պապը այդ առթիւ շրջաբերական կուղարկէ արևելեան եկեղեցիներին:

Հռովմում կազմակերպուում է մի կարգ ընթերցմութեան ս. Յովհան Ոսկեբերանի կեանքի և գործունէութեան վերաբերեալ: Մտածում են մեծ ուխտադնացութիւն սարքել դէպի Հռովմ յոյն միաբարները: